

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 457764 23 St
Tuzla, 10.01.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „AMGRAD“ d.o.o. Niskogradnja Gračanica, Babići, Centar b.b., nakon provedenog stečajnog postupka, donio je dana 10.01.2025. godine sljedeće:

RJEŠENJE

OTVARA SE stečajni postupak nad imovinom dužnika „AMGRAD“ d.o.o. Niskogradnja Gračanica, Babići, Centar b.b., matični broj subjekta 32-01-0067-10, JIB: 4209979400005, račun broj: 15436020025826 otvoren kod Intesa Sanpaolo banka d.d. BiH Sarajevo.

Za stečajnog upravnika imenuje se Hazim Huskić iz Gradačca.

ZAKLJUČUJE SE stečajni postupak nad imovinom dužnika „AMGRAD“ d.o.o. Niskogradnja Gračanica, Babići, Centar b.b., zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 457764 23 St od 29.02.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva „AMGRAD“ d.o.o. Niskogradnja Gračanica, Babići, Centar b.b., a za privremenog stečajnog upravnika imenovana je Hazim Huskić iz Gradačca, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 08.04.2024. godine. Iz izvještaja privremenog stečajnog upravnika i navoda datih na ročištu proizilazi da društvo ne posluje od 2017. godine kada mu je blokiran račun i kada su svi radnici (otprilike 40 radnika) objavljeni iz radnog odnosa. Glavni račun društva je blokiran konstantno od 18.08.2017. godine. Prema poslovnim knjigama društvo ima evidentirane kratkoročne obaveze u iznosu od 469.944,00 KM, dugoročne obaveze u iznosu od 396.962,00 KM, s tim da se stvarna visina obaveza sa sigurnošću nije mogla utvrditi s obzirom da iz izjave odgovornog lica proizilazi da je dio duga prema bankama i dobavljačima izmiren nakon prodaje pokretne imovine do koje je došlo nakon prestanka obavljanja djelatnosti, ali ne postoji dokumentacija iz koje bi se mogla utvrditi tačna visina obaveza. Prema uvjerenjima društvo ima obaveze prema PU F BiH u visini od 17.793,40 KM i prema UIO BH u iznosu od 2.680,00 KM. Društvo u svom vlasništvu nema nepokretnosti, nema pokretnih stvari uz napomenu da su iste prodane radi izmirenja dugova tokom 2017. godine, nema novčanih sredstava, s tim da u poslovnim knjigama su evidentirana potraživanja od kupaca u iznosu od 165.035,00 KM, koja nisu utuživana, a kako su potraživanja nastala najkasnije 2017. godine to su ista i zastarjela odnosno nenaplativa. Imajući u vidu da društvo ne obavlja djelatnost od 2017. godine, od kada su i računi društva u blokadi, da društvo nema zaposlenika niti imovine ponovno pokretanje poslovanja društva nije izgledno.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka, a direktor društva je stupanjem na snagu novog zakona o stečaju i po saznanju da je u roku od 60 dana od nastanka platežne nesposobnosti obavezan podnijeti prijedlog preduzeo radnje radi prikupljanja dokumentacije te je podnio prijedlog.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 25.12.2023. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 30.04.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 6.927,60 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 35/24 dana 15.05.2024. godine, oglasnoj tabli suda dana 03.05.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.